

## La séthée d'Gaï Faxe

La séthée d'Gaï Faxe ramémouaithe l'înfâme Conspithâtion des Poudres en 1605 en Angliétèrre tchi fut m'née par... d'vinnez tchi ? Gaï Faxe!

En 1603, lé Rouai James lé Preunmyi prînt l'trône d'Angliétèrre et c'menchit à pèrsétchuter les Catholiques! I' d'fendit ès Catholiques dé pratitchi lus r'ligion, et i' punnit les cheins tchi r'fusîtent dé s'convèrti au Protestantisme. Un Catholique nommé Gaï Faxe et douze aut' conspithateurs pâssîtent des mais à plianner eune souffliéthie contre lé Rouai James lé Preunmyi d'Angliétèrre duthant l'ouvèrtute du Parlément lé 5 d'Novembre 1605. Mais, lé 26 d'Octobre, lé compliot fut d'nonchi par eune lettre anonÿnme. Au jour d'aniet, pèrsonne né sait pour seux tchi qu'êcrivit chutte lettre.



Gaï Faxe fut r'chèrchi et fut trouvé dans eune cave entour mînniet lé 4 dé Novembre 1605. Il avait d's alleunmettes dans sa pochette, et 36 bathilyies d'poudre près d'li. I' fut enm'né à la Tou d'London où'est qu'i' fut tortuthé s'lon les ordres du Rouai. L's aut' complioteurs fûtent arrêtés un mio pus tard!

Gaï Faxe et les 12 aut' fûtent condamnés à la peine dé mort en Janvyi 1606 et i' fûtent pendus.

Auprès qu'lé compliot fut découvèrt, les Londronnais c'menchîtent à alleunmer des feurs pour célébrer. Ouaithe qué dans l'temps pâssé la séthée d'Gaï Faxe fûsse anti-Catholique, au jour d'aniet oulle est raiqu'eune extchuse pour r'garder des feurs d'artifice acanté ses anmîns et sa fanmil'ye. Nou bait du caud vîn étout et nou brûle lé bouonhomme dé Gaï Faxe.

### Exèrcise 1: Ch'est-i' vrai ou faux?:

	Vrai	Faux
1. La séthée d'Gaï Faxe ramémouaithe la Conspithâtion des Poudres dé 1605.		
2. La Conspithâtion des Poudres fut m'née raique par Gaï Faxe.		
3. En 1603, lé Rouai James lé Preunmyi prînt l' trône d'Angliétèrre et c'menchit à pèrsétchuter les Protestants.		
4. Lé rouai James d'fendit ès Catholiques dé pratitchi lus r'ligion.		
5. Lé rouai James punnit les cheins tchi r'fusîtent dé s'convèrti.		
6. Gaï Faxe pliannit d'soufflier l' Parlément à san tout seu.		
7. Lé 26 d'Octobre eune lettre anonÿnme dgèrnit l'Rouai d'l'existence d'un compliot.		
8. Gaï Faxe fut trouvé dans eune aubèrge où'est qu'il avait muchi 36 bathilyies d'poudre.		
9. Gaï Faxe fut m'né à la Tou d'London où'est qu'nou lî copit la tête.		
10. Auprès qu'lé compliot fut découvèrt, les Londronnais c'menchîtent à alleunmer des feurs dé célébrâtion.		
11. Au jour d'aniet, la séthée d'Gaï Faxe est raiqu'eune extchuse pour alleunmer les décorâtions d'Noué.		

### Exèrcise 2: Lié l'texte et êcri les mots qu'tu n'connais pon. Distchute lus sîngnificâtion en clâsse.

---



---



---

### Exèrcise 3: Rêpond ès tchestchions:

1. Quand tchi qu'la Conspithâtion des Poudres prînt pliaiche?

---

2. Tch'est qu'James lé Preunmyi fit ès Catholiques auprès qu'i' prînt l'trône?

---

3. Combein d'pèrsonnes prîtent part dans l'compliot?

---

